




Zinaa(Sagaagalummaa)-Daandii Badii

Description

Zinaa (sagaagalummaa) jechuun nama tokko waliin osoo seeran wal hin fuudhin wal qunnamti saala waliin raawwachuu jechuudha. Zinaa bakka lamatti qoonne ilaalu dandeenyaa. Tokko dubartii fi dhiirri hin heerumne/ hin fuune wal jiddutti raawwachu afaan ingiliffaatin â€˜Fornicationâ€™™ isa jedhamu yoo taâ€™u kan lammataa immoo dubartiin heerumte fi dhiirri fuudhe wal jiddutti seeran ala raawwachu yookiin lamaan keessaa tokko kan hin fuune/heerumne kan fuudhe/heerumte waliin sagaagallummaa raawwatamuudha. Kunis afaan ingiliffaatin Adultery jedhama. Zinaan gosa kamiyyuu fi karaa kaminuu raawwatamu jibbamaa fi fokkuudha. Fokkinnaa irraa kan kaâ€™e Rabbiin akka itti hin dhiyaanne nu akeekachisa.



â€œSagaagalummattis hin dhihaatinaa. Dhugummatti inni hojii fokkataa fi karaa hamaa taâ€™ee jira. â€œ Suuraa Al-Isra 17:32

Namni miâ€™aa xiqqoo irraa argachuuf badii fi miidhaa hin dandeenyе ofitti baachisa. Zinaan namooma nama ajeessun gara qilee horitti nama oofa. Hanga humni keenya dandaâ€™e gargaarsa Rabbiit in miidhaa zinaan dhala namaa irraan gahuu mee haa ilaallu.

1. Sammuu dugulchaâ€“ yommuu namni tokko zinaa raawwatu sammuun isaa hangam akka dugultuu fi keessi isaa/ishii hangam akka rifatu tilmaamun nama hin dhibu. Zinaan dandeetti yaadu fi xinxalli qancarsuun namummaa namaa ajeessa. Takkaa sammuun dugullaan namtichi/dubartiin horooma dhaba/dhabdi. Sammuun akka dugulte kan agarsiisan keessaa tokko namtichi fedhii amantii ofii barachuu keessa isaatti duâ€™uu, beekumsi itti seenu didu, sammutti waa qabachuun itti ulfaachu, dandeettin gaarii fi badaa, haqaa fi soba addaan baafachuu laamshayu, ariitin waa dagachuu, hatamtamaan wanta hundaaf garmalee dallanuu, obsaa fi tasgabbi dhabuu fi kkf. Sammuun motora ilma namaati. Motorri kuni hojii irraa yoo dhaabbate yookiin dadhabe, namtichis akkasuma jiruu fi jirenyaa ofii gaggeessu irraa

dadhaba.

2.Boqonnaa sammuu nama dhabsiisa-wantoota gurguddoo boqonnaa sammuu nama dhabsiisan keessaa tokko zinaa raawwachuudha. Eeti namtichi yeroo jalqaba zinaa irraa gammachuu xiqqoo argachuu fi fedhii ofii qabbaneessuf raawwata. Garuu san booda gammachuun inni dhabuu fi ibiddi keessa isaatti qabatu tilmaamun ni ulfaata. Jireenyi ni jibbisiisti, itti dukkanoofti, ni nuffisiisti, keessi isaa boqonnaa, gammachuun fi tasgabbi hin qabu. Zinaan sammuu dugulchuun balbala boqonnaa sammuu namatti cufa. Namtichi hanga fedhe dhoksatti wanta fokkuu kana haa raawwatu, garuu dhiibbaa namticha san irratti fidu irraa mulâ€™ata.

3.Salphinnaan nama haguuga- shirkitti (Rabbiitti waa qindeessutti) aanee wanta hanga zinaa nama salphisu hin jiru. Dubartiin yommuu zinaa irraa ulfooftu maatiin ishii fi ishiin bullukkoo salphinnaatin ummata keessa deemu. Namni hunduu quba itti qabuun dubartiiakkana, namticha akkana jechuun salphisu. Salphinni maatii qofa osoo hin taâ€™iin hawaasa guutu haguugu ni dandaâ€™a. yommuu hawaasni tokko badii kana keessatti kufuu adabbiin cimaa itti buâ€™a. akka fakkeenyatti dhibeewwan qoricha hin arganne kan akka HIV Eedisin salphinna isaani ifa baasa jira. Dubartii qofaa mitii dhiirris yommuu wanta fokkuu kana raawwatu keessa isaatti salphinnaa fi gadi aantummaan itti dhagahamu, miirri ofitti amanamummaa fi kabaja keessa isaati ni haaqama. Yeroo hundaa shakkii fi sodaan ummata keessa adeema. Tasa dubartiin suni ulfoofte isa salphisuu waan dandeessuf. Yookiin immoo tasa dhibee Eedisitin rukutamuu waan dandaâ€™uuf jirenya shakkii fi sodaa jiraata. Salphinni irraa kan kaâ€™ee yeroo hunda kophaa taâ€™uu barbaada, keessi isaa boqonnaa hin qabu. Miirri bilisummaa fi nageenya keessa isaatti hin dhagahamu. Akka waan gabra taâ€™ee fi keessi isaa wayiin akka waan hidhameetti itti dhagahama.

4.Dhibeewwan garagaraatif nama saaxilaâ€“ dhibeewwan sababa zinaatin yeroo durii irraa kaase hanga ammaatti dhufaa jiran lakkooftsi isaani baayâ€™edha. Isaan keessaa beekkamoon HIV Eedisi, fanxoo fi cophxoo dha. Dhibeewwan kunniin namoota miliyonatti lakkawaaman lubbuu isaani galaafatanii jiru. Guyyaan guyyaan namoonni Eedisin dhuman lakkooftsi isaani hin beekkamu. Kuni hundii zinaa irraa kan dhufuudha.

5.Hadhaan isaa nama keessaa hin bahuâ€“ akkuma jedhamu wanta hanga duâ€™aatti nama keessaa hin baane hadhaa zinaati. seeliwwan sammuu summeessun sammuu dugulcha. Zinaan sammuu fi qaamatti hadhaa fi summii taâ€™a. Qaama fi sammuu dhibeen summeessa, sammuu immoo hadhaadhan hadoocha. Namtichi yeroo jalqabaatif miâ€™aa xiqqoo argata garuu san booda hangam fokkuu fi hadhaawa akka taâ€™e ni arga, ni dhandhama. Kuni wanti namoota kanniin irraa dhageennudha. Miâ€™aan isaa dafee kan darbuu fi hadhaa fi fokkinni isaa immoo kan turu akka taâ€™e sirritti amanu.

6.Nuura imaana dukkanessu ykn dhaamsa-Akkuma Ergamaan Rabbii (SAW) jedhan namni yommuu zinaa raawwatu muâ€™imina taâ€™ee hin raawwatu, imaanni isaa irraa ol kaâ€™a. Zinaan nuura (ifa) imaana dukkanessun fuula fi qalbii namticha gurraachessa. Gammachuun fi seeqni fuula namticha irraa hin mulâ€™atu. Yeroo baayâ€™ee fuulli isaa/ishii gadda, fuula guuru fi gaabbiin kan haguuggameedha. Yommuu nuurri imaana qalbii irratti ifu fuulli namticha ni ifa.

7.Daaâ€™imman seera malee dhalatuâ€“ daaâ€™imman zinaa irraa dhalachuun jirenyaa gadadoo jiraatan manni fi seenan haa lakkaâ€™u. Hawaasa biratti jibbamoo taâ€™uun jirenyaa gadadoo fi

salphinnaa jiraatu. Kanaafi karaan zinaa badaa fi fokkuu kan taâ€™e. Daaâ€™imni dhalatu abbaan isaa hin beekkamu. Yommuu abbaan isaa hin beekkamne akkamitti mataa olqabate jiraata? Dubartiin sababa zinaatin dhalattu hoo akkamitti heerumti? Yoo heerumte hoo jirenya akkamii gaggeessiti? Gaaffiwwan kanniini fi kan biroof deebei kennuun nama rakkisa, nama gaddisiisa! Namni badii zinaa akkanaa beeku zinatti hin dhiyaatu. Maatii fi mataa ofii salphisuu hin barbaadu.

8.Hamileen dubartii ni caba, kabaja dhabddi-takkaa dubartiin zinaan beekkamaan hamileen ishii daaraa taâ€™a. hamileen ishii cabuun jirenya gadi aantummaa fi saphinnaa jiraatti. Manatti daaâ€™ima seeran alaa fiduun maatii fi mataa ofii salphisti. Sababa kanaan balbala heeruma ofitti oggorti. Namni argee ishii irratti akka taphatu karaa banti. Salphinni kana caalu addunyaa kana keessatti eessa jira ree?

9.Ijaarsa maatii diigun dhaloota balleessaâ€“ yeroo amma zinaan babalâ€™achuu irraa kan kaâ€™ee maatii fi fuudhaa heerumni barbaachisaa akka hin taanetti ilaallama jira. Qilee zinaa kanatti taruun namni akka horii jiraachu barbaada. Sababa kanaan hundeen dhaloota buqqaâ€™uun sanyiin nama akka itti hin fufne taasisa. Kana hubachuuf warraa akka Awrooppa fi Ameerikaa ilaalun gahaadha. Sababa zinaati fi fuudhaa heerumni hafaa adeemun sanyiin isaani hirâ€™ataa adeemaa jira. Maatiin tokko maatii kan taâ€™uu yommuu dhiirsi fi niitin karaa seera qabeessatiin walitti dhufanii ijjoolle horaniidha. Maatiin sun nageenya, gammachuu, tasgabbii fi guddinna argachuuf badii addaa irraa eeggamuu fi wantoonni barbaachisan guuttamuufi qabu. Maatii san keessaa niitin ykn dhiirsi yookiin ijjoollen gocha fokkuu zinaa kana keessatti kan hirmaatan yoo taâ€™ee, maatiin suni ni bittinaâ€™a, gammachuu fi tasgabbii dhaba, gadadoo fi daraaraf harka kenna, salphinnaan of haguuga. Hawaasa fi biyya irratti miidhaa guddaa fida. Sababa kanaan dhaloonni dhaloota badii taâ€™a.

10.Dhuma namaa fokkisaâ€“ namni akkuma zinaa raawwachuu itti fuufun keessaa alli isaa fokkataa adeema. Fuula fi amala isaa irraa wanta gaarii hin agartu. Namni yeroo dargaggummaa isaa zinaa irratt dabarsee yeroo jaarsummaa isaa gatii guddaa fi laaleessa kafala. Yeroo jaarsummaa isaa totorraâ€™uu fi lafeen garmalee dadhabuun itti dhagahama. Abbootin keenya dabraan wagga jahaatama ol taâ€™anii qarqara bollo tokorra qarqara bolloo biraatti yoo utaalan, dargagooni akkamitti akkanatti utaalu dandeessan jedhanii yoo gaafatan deebiin isaani â€œYeroo dargagummaa kenyaa sagaagalummaa irraa of tiiksineâ€œ jechuu turan. Yeroo dargagumma fedhii kana karaa hin taanen guutachuurraa of tiksuun humnaa fi annisaa yeroo jaarsummaatif kuufachuudha.

Namni yommuu zinaa raawwachuu itti fufuu, yeroo duâ€™aa haala sodaachisa irratti duâ€™a. Dargaggeessi tokko yommuu duâ€™uu, namoonni bira jiran shahaada qabsiisuuf yommuu yaalan, â€œCall my girlfriend, Call my girlfriend, (jaalalle tiyya naa waamaa, jaalalle tiyyaa naa waama)â€œ Cosoo jedhu nafseen keessaa baate. Dhumni(khaatimaan) namaa baduun hoongo fi kasaraa akkamii! Yaa Rabbii khaatima keenya bareechisi.

11.Aakhiratti adabbii hamaatu nama eeggataâ€“ Aakhiratti adabbiin zinaa addabbii xiqqaa miti. Rabbiin (Subhaanahu wa taâ€™aala) akkana jedha:

وَالَّذِينَ لَا يَدْعُونَ مَعَ اللَّهِ إِلَهًا أَخْرَ وَلَا يَقْتُلُونَ النَّفْسَ الَّتِي حَرَمَ

اللَّهُ أَلَا بِالْحَقِّ وَلَا يَرْنُونَ وَمَنْ يَفْعَلْ ذَلِكَ يَلْقَ أَثَاماً
يُضَعَّفُ لَهُ الْعَذَابُ يَوْمَ الْقِيَمَةِ وَيَخْلُدُ فِيهِ مُهَكَّاً



â€œAmmas isaan (Gabroonni Ar-Rahmaan) Rabbiin wajjiin waan biraan hin gabbarre (hin kadhanne), kan lubbuu Rabbiin ajjeesuu haraama godhe haqaan alatti hin ajjeefnee fi hin sagaagalleedha (zinaa hin raawwannedha). Namni hojii gadhee kanniin raawwate, adabbi ni qunnama. Guyyaa Qiyaamaa adabbiin (jahannam) dachaa isaaf taasifama. Isa keessatti salhifamaa taâ€™ee yeroo hundaa jiraataâ€¢ Suuratul Furqaan (25):68-69

Namtichi hojii badaa kana irraa yoo hin tawbatiin addunyaa aakhiratti adaba hamaatu isa/ishii eeggata.

Namni tokko hojii badaa kana irraa jijjiramu ni dandaâ€™aa?

Eenyeen siritti jijjiramu ni dandaâ€™a Insha Allah. Tawbaan qulqulluun yoo gara Rabbii deebiâ€™ee badii zinaa armaan olii ofirraa kaasu ni dandaâ€™a. Rabbiin nama hojii fokkuu kana hojjate tawbaan dhugaan gara Isaatti deebiâ€™uu akka nama sanii araaramuuf waadaa gale jira.

â€œIsaan warra yeroo faahishaa (waan fokkataa kan akka zinaa) hojjatan yookiin lubbuu ofii miidhan Rabbiin yaadatanii badii/cubbuu isaanitiif araarama gaafataniidha. Rabbiin malee eenyutu badii/cubbuu araaramaa? Isaan osoo beekanu waan hojjatanirra (cubbuu ofitirra) kan hin turredha. Isaan sun mindaan isaanii araarama Gooftaa isaanii biraan taâ€™ee fi jannata laggeen ishee jala yaatudha. Isaan ishe keessatti hafoodha. Mindaan hojjatootaa (jannata taâ€™uun) waa toleâ€¢ Suuraa Ali Imraan 3:135-136

Balâ€™innaan barruulee tawbaa website kan irra jiran ilaalun ni dandaâ€™ama.

Gudunfaa

Barruu tana barreefana gabaaba armaan gadiit in xumura.

â€œZinaan karaa baayâ€™een ajjeecha bakka buâ€™a. Inni ajjeechadha sababni isaas, dhimma jireenya bakka dogongora kaâ€™uun qisaasessa. Yeroo baayâ€™ee wanta uumamaan argamee karaa dhala baasuu fi daaâ€™ima ajjeesutiin hordofsiisa. Yoo daaâ€™imni baraarame fi akka jiraatu hayyamameef jireenya gadadoo fi sarbamaa keessatti dagatama. Kuni karaa biraatin ajjeechadha.

Dabalataan, zinaan ajjeecha hawaasati sababni isaas hariroon maatii ni bada, funyoona dhiigaa(blood ties) wal dhaba. Namoonni daaâ€™imni isaan guddisaa jiran kan isaani taâ€™uu itti amanumummaa xiqaata akka qabaatan godha. Haala kanaan hariroon hawaasummaa dadhabaa adeema, afuurri(spirit) isaani guddate ykn xiqaata ni duâ€™a. Sababa adda addaa irraa kan kaâ€™ee ajjeecha hawaasummaa akka

taâ€™eetti ilaallamu dandaâ€™a. Zinaan karaa salphaatin fedhii ofii akka guuttatan balbala waan banuuf, fuudhaa heeruma barbaachisa akka hin taane fi ittigaafatamummaan maati akka dhabamu taasisa. Wanti irraanfachu hin qabne maatiin mana sirrii ijjooleen itti guddifamanii fi dhalli namaa inni gaarii taâ€™e wal qabate itti ijaarramudha. Maatiin mana guddinni dhiiraa fi dubartii haala walqixaatin itti mirkanaaâ€™udha. Seenaa keessatti hawaasni sagaagalummaan akka babalâ€™atu hayyame kufiinsa mataa ofiitti kan fideedha.

Qurâ€™aanni xiyyefannoo guddaa itti kennuun namoonni zinatti akka hin dhihaanne akeekachiisa. Zinaan kan raawwatamu fedhii cimaa guuttachuuf waan taâ€™eef isarraa fagaachun nageenya fi gammachudha. Yeroo zinaan salphaa taasifamuu akkuma san isa ittisuun ulfaataa taâ€™a. Kanaafu Islaamni tarkaanfilee sirrii zinaa itti ittisan fudhata. Bakka barbaachisa hin taanetti saalli lamaan walitti makamuu ni balaalefata. Bakka kophaatti dhiirri dubartii waliin turu ni dhoowwa. Dubartoonni qullaa akka yaaâ€™anii hojji hawaasummaa keessatti akka hirmaatan ni ittisa. Kana jechuun hojji sirrii isaani taâ€™uu hojjachuu ni dhoowwa osoo hin taâ€™iin qullaa yaaâ€™anii akka dhiira hin fattaneef uffataa hijaaba sirrii taâ€™e uffatanii gara alaatti buhu qabu jechuu isaati. Akka fuudhan ykn heeruman ajaja. Kan fuudhu hin dandeenye immoo akka soomu gorsa. Wantoota namoota fuudharraa ittisan kan akka mahrii humnaa olii ni morma. Eenyullee sababa ijjoolle argachuutin hiyyummaa sodaachu akka hin qabne ifa godha. Hordoftoota isaa warroota fuudhu barbaadaniif gargaarsa akka godhan jajjabeessa. Akkasumas yakka zinaa hojjachuu fi namoota zinaan nama yakkaniif seera cimaa tumee lafa godhe. [Dhiirichi ykn dubartitiin zinaa raawwate/raawwatte kan hin fuudhin/hin heerumin yoo taâ€™ee/taate, alangee dhibba(100) garafamuu qabu. Yoo kan fuudhe/heerumte taâ€™ee/taate, dhagaan buruqfamanii ajjeefamu qabu. Yeroo adabbiin kunii raawwatamu namoonni naannoo sanii akka ilaalan taasifamuu. Sababni isaas adabbiin zinaa guddaa akka taâ€™e ilaalanii barumsa irraa akka fudhataniif. Haala kanaan zinaan hawaasa keessa akka hin babalâ€™anne ittisa.

Warroota ragaa malee sobaan zinaan namoota biroo yakkan alangee saddeettama akka garafaman taasisa.]

Tarkaanfiwwan kunniin hawaasa Musliimaa daandii mucubaati kufaatif nama geessutti akka of hin darbine ittisa.â€

Fi zilaal al-qurâ€™an jildii 11 ffaa irraa fudhatame.

Hanga fedhe namtichi ykn dubartiin badii kanatti yommuu darbuu/dabartuu abdii kutuun jirenyaa ofii balleessu fi adabbi hamaaf of saaxiluu hin qabu/hin qabdu. Rabbiin (subhaanahu wa taâ€™aala) akkana jedha:

﴿ قُلْ يَعِبَادِيَ الَّذِينَ أَسْرَفُوا عَلَىٰ أَنفُسِهِمْ لَا نَقْنُطُو مِنْ رَحْمَةٍ ﴾



اللَّهُ إِنَّ اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ

وَأَنِيبُوا إِلَىٰ رَبِّكُمْ وَأَسْلِمُوا لَهُ، مِنْ قَبْلِ أَنْ يَأْتِيَكُمُ الْعَذَابُ ثُمَّ



لَا تُنَصِّرُونَ

â€œ(Yaa Muhammad) jedhi,â€œYaa gabroota kiyya kan lubbuu ofii irratti daangaa dabartan! Rahmata Rabbii irraa abdii hin muratinaa(hin kutatinaa). Dhugumatti Rabbiiin balleessaa hundaa ni araarama. Inni Araaramaa, Rahmata godhaadha. Gara Rabbii keessanii deebiâ€œ™a, Isaafis ajajamaa odoo adabbiin isinitti hin dhufiniin duratti. Sana booda hin tumsamtanu.â€œ Suuraa Az-Zumar 39:53-54

Kanaafu namni yoo badii kana raawwate Rahmata Rabbii irraa abdii kutuu hin qabu. Rabbiiin badii kana irraa nu haa tiiksu. Hanga torbaan barruu biraatin walitti deebinutti Assalamu aleykum wa rahmatullahi wa barakaatuh.

Date Created

August 20, 2016

Author

admin